

F-131
1920

F

„მკაზი ღა ღვინო“

წელიწადი ზირუელი.

№ 7

15 მაისი 1920 წ.

№ 7

შ ი ნ ა ა რ ს ი :

48784
F

- | | |
|---|-----------------------|
| 1. შოწინავე | ი. ზ. ანდრონიკაშვილი |
| 2. ყუბინის ქია | ს. ჩოლოყაშვილი |
| 3. შრომის საკითხი მეცენახეობა-მედიცინოებაში | აგრ. დ. გედევანიშვილი |
| 4. ღვინის წარმოშობა | მის. შალამბერიძე |
| 5. ახელის მეცენახეობას რედიცინოების უდგომარეობა | გ. წინამძღვრიშვილი |
| 6. ქრონიკა | |
| 7. წერილი ველისციხიდან | |

ჟურნალის გამოცემის პირობები:

ჟურნალი ჟურჟურობით გამოვა ორ კვირაში ერთხელ, არა ნაკლებ 16 ტკვრდისა. თითო ნომრის ფასი საბჭოს შერ განსაზღვრულია—10 მან. ამ ფასით ჟურნალის გამოქვრა შეიძლება სამი თვით.



ჟურნალის რედაქცია იმყოფება საბჭოს ბინაზედ—თბილისი, ბარიატისკის ქუჩა, № 5.



კოოპერატიული
კახური ღვინო

„კახელ მევენახეთა“
ვავშირთ-კავშირთი

Махетинское Кооперативное Вино

СОЮЗЪ СОЮЗОВЪ
Виноградарей Кахети.

თბილისი
ГОЛОВИНСК. ПР. № 33 Д. ТАМАМШЕВА, ТЕЛЕФ. № 115
КАХЕТИА: СТ. МУКУЗЯНЪ, КАХ. ЖЕЛ. ДОР.

თ ბ ი ლ ი ს ი. რუსთაველის ქუჩა № 33.
კახეთი, სადგური „მუკუსანი“, კახეთის რეინის გზა.

„კავშირთ-კავშირთი“ დაარსებულია 918 წელს. წესდება დამტკიცებულია
თბილისის საოლქო სასამართლოს მიერ 8 თებერვალს 1919 წელს.
„კავშირთ-კავშირთი“ შედიან ველისციხის, გურჯაანის და კარდანახის
შემხახველ გამესესებელი ამხანაგობანი -- 4400 წევრით, რომელთაც 4200
დესეტენა ვენახი აქვთ.

„კავშირთ-კავშირის“ გამკეობა, მთავარი კონტორა და საწყობი მოთავსე-
ბულია საკუთარ მიწაზედ კახეთის რეინის გზის სადგურ მუკუზანთან.



ტბილისი 15 მაისს 1920 წ.

საქართველოს ბედ-იღბალი ხელახლად დიდს განსაცდელშია: გაერთიანებულმა ადერბეიჯანელთა—ლევთა—ოსმალთა ძალებმა გაილაშქრეს საქართველოს თავისუფლების და დამოუკიდებლობის წინააღმდეგ. აღმოსავლეთიდან ადერბეიჯანის ჯარები შემოსევას უქადიან ჩვენს რესპუბლიკის საჯახტო ქალაქს—თბილისს, ჩრდილოეთიდან ლევები ეცემიან ზაქათალის ოლქს და დასავლეთიდან ინგლისის კურთხევით და დახმარებით ქობულეთის და აქარის ზნობრივად დაცემულ და შეუზღვეულ მცხოვრებთა ნაწილი ანარქიას და უწყესობას ახდენს სამუსულმანო საქართველოში—ბათუმის ოლქში.

დღევანდელი დამოუკიდებელი საქართველო იმავე გარეშე პოლიტიკურ მდგომარეობას განიცდის, რომელშიაც იგი იმყოფებოდა ასი წლის წინად რამდენსამე საუკუნის განმავლობაში. კულტურულად დაწინავებული და ბუნებით მდიდარი დამოუკიდებელი საქართველო ეწინააღმდეგება მამაქმადიანთა საერთო მიზნებს. შედარებით ეკონომიურად შემძლები და განათლებული პატარა საქართველოს მხარეთველი დემოკრატია გარს შემორტყმული ვალატაკებული, უპიროვნო და უენო მუსულმანთა გლეხობით, როგორც განვილილ ისტორიულ ხანაში, აგრეთვე ეხლაც წარმოადგენს სამამაქმადიანოს მხართველთა წრეებისათვის სრულიად მიუღებელ სურათს. საქართველო თავის მავალითით საშიშო შედეგს უქადის მათ ბატონობას. ამას გარდა საქართველოს გეოგრაფიული მდგომარეობა და ბუნებითი სიმდიდრე მეტად თვალსაჩინო, ძვირფასს და სტრატეგიულად დიდ მნიშვნელოვან კუთხეს

წარმოადგენს მეზობელ სამამაქმადიანო სახელმწიფოებისათვის, რომ მათ თავისუფლად დაგვიტოვონ ჩვენი დამოუკიდებლობა. ამიტომ მამაქმადიანთა ჩვენს დამოუკიდებლობაზედ ვამოლაშქრება ისტორიულ მუდმივ მოვლენად უნდა ჩაითვალოს და არა შემთხვევითად, ან უდროებითი გარემოებად. და ვფიქრობთ რომ, როდესაც საქართველოს დამოუკიდებლობა არ იქნება დაცული ერთსულოვანად, მთელ ქართველ ერის მისწრაფებით, და რაიმე შინაანდა გარეშე მიზეზების გამო ერის მთლიანობა სახელმწიფოს დამოუკიდებლობის დაცვაში მეტად თუ ნაკლებ შერყეული იქნება, —მამაქმადიანთა საქართველოზედ ვამოლაშქრება აუცილებლივ ყოველთვის მოხდება. ეს გარემოება უნდა გავითვალისწინოთ და გვახსოვდეს, რომ მუსულმანებით ირგვლივ შემორტყმულ საქართველოს დამოუკიდებლობა უზრუნველყოფილი არ არის.

საბედნიეროდ ჩვენი ერი შეგნებულთა საქმის გარემოებაში. იგი საქმაო სახელმწიფოებრივს მისწრაფებას და გამჭიარებას იჩენს. საქართველოს დამოუკიდებლობას და თავის უფლებას მთელი ქართველი ერი ერთსულოვანად და ერთგულად იცავს და ექვს გარეშე მუდმივად დაიცავს; მაგრამ თუ ამასთანავე სახელმწიფო ეკონომიურად მკლავრი არი იქნება, მიუხედავად ერის ერთსულოვნობისა, სიმამაცისა და გმირობისა დამოუკიდებლობის დაცვა შეუძლებელია. ამიტომ მეტრთან ბრძოლისათვის ჩვენს მამაც ჯარს და გვარდიას თუშეცა მოვალენი ვართ შევწიროთ ყველა ჩვენი ნივთიერი და სხვა შეძლება, მეტადრე თუ ომის ხანაში ვართ, მაგრამ ამასთანავე არ უნდა დავივიწყოთ, რომ ჩვენი ეკონომიური ძალა ჩვენს სასოფლო მეურნეობაშია და მისი შერყევა და

დაქვეითება—საფუძველს უთხრის სახელ-
 მწიფოს დამოუკიდებლობას.

ომი აუცილებლად იწვევს სახელმწიფოს
 ეკონომიურს და ჩვეულებრივ ცხოვრე-
 ბის პირობების შერყევას და შეცვლას და
 ყველა ძალების ფრონტისაკენ მიმართვას:
 მაგრამ ამ ფაქტის აუცილებლობა მით
 უმეტესად ავალებს ყველა მმართველთა
 დაწესებულებას, რომ მეტის ენერგიით,
 მეტის დაკვირვებით და ყოველგვარი ზო-
 მებით ხელი შეუწყოს, რათა ჩვეულებრი-
 ვი წარმოება სასოფლო მეურნეობისა აო-
 იკოს შეწყვეტილი, — მიწები იყოს დახულ
 დათესილი და ვენახები შემუშავებული.
 თვით სახელმწიფოებრივი ფინანსიური ზო-
 მებიც, რომელიც გამოწვეული არის
 ომის გამო განსაკუთრებული ხარჯით,
 უნდა იყვეს ისეთი ხასიათისა, რომ რა-
 მდენათაც-კი შესაძლებელია, არაფერებ-
 დეს სოფლის მეურნეობის წარმოებას.

სამწუხაროდ არ შეგვიძლიან არ აღე-
 ნიშნოთ, რომ, მაგალითად, ჩვენი მევენახე
 რბა და მეღვინეობა, ეს უმთავრესი დარგ-
 თაგანი საქართველოს მცხოვრებთა ეკო-
 ნომიურის არსებისა, მოკლებულია სათო-
 ნადო სახელმწიფოებრივ მესვეურებას, და
 ვიმედოვნებთ, რომ თუ აქამდისინ რე-
 ვალიუციონური ხანა ხელს უშლიდა სა-
 ხელმწიფოს ნორმალურს ცხოვრებას, ამი-
 ყრიდგან მაინც ჩვენი მიწადმოქმედების
 სამინისტრო იპოვის მეტს დროს და სა-
 შუალედებს, რომ ამ სასოფლო მეურნე-
 ობის დარგს გაუწიოს ის დახმარება და
 ყურადღება, რომელიც ეკუთვნის მას სა-
 ხელმწიფოს ეკონომიურს ცხოვრებაში.

ი. ზ. ანდრონიკაშვილი.

ეუმის ჭიჩა

(Eudemis botrano W.)

ჩვენ ვენახებს ყურძნის ჭიამ პირველათ
 თვალ-საჩინო ზარალი მოუტანა 1894 წ. ამ
 წელს კახეთის ზოგიერთა ვენახების მოსავალი
 გაანახევრა და ზოგან მესამედზე დააყენა.
 შემდეგ წლებში ამ მავნეს თითქოს თვალსაჩინო
 ზიანი მოსავლისთვის არსად მიუყენებია
 1908 წლამდე; 1908 და 1909 წ. კი ისევ მო-
 იხელა თავი და სიღნაღის მაზრის ვენახები,
 უფრო კი კარდანიხის მიდამო, საგრძობლათ
 დააზარალა. მარზნაც მოიხელა თავი ამ მავ-
 ნემ და სოფლებს: კარდანიხი, ანავა, ბაკურ-
 ციხე, ვეჯინი და სხ., თვისი დღი დადო.
 ექვს გარეშეა, რომ ეს მავნე წლულა იჩენს
 თავს, რადგან გაზაფხულზე ამის ნიშნები სა-
 კმაოთ მოგვეპოვებოდა.

მავნებლობა ჭიისა გამოიხატება იმით,
 რომ იგი მუსრს ავლებს ოვგორც ყურძნის
 ყვავილს, ისე დაინკრიმებულ მარტეალს და
 შერე მოწულ ყურძნისაც. საჭიროთ ესტრობთ
 გავაცნოთ ჩვენ მკითხველს ამ მავნეს ცხოვ-
 რება, განვითარება და აგრეთვე მასთან ბრძო-
 ლა.

ყურძნის ჭიის პეველა პაწაწკინა არსე-
 ბაა, მისი სიგატე არ აღემატება 6mm. წინა
 ფრთები რუხე მოწითაო ფერისაა, ლურჯ-ნა-
 ცრისფერ წინწკლებით, უკანა ფრთები კი
 ნათელი ნაცრის ფერისა აქვს.

დაახლოებით 20 აპრილში (ახ. სტილ.)
 პეველა აღვიო შესახვედრია დაავადებულ
 ვენახებში დილა ადრიან და მზის ჩასვლის
 დროს—ბინდამდე, დღის და ღამის განმავლო-
 ბაში კი მიუჭრებელი ზის ან ფოთლის უკანა
 მხარეზე ან სხვა უფრო იოლა თავშესაფარში.
 პეველები ცოცხლობენ 7—8 დღე. პეველობენ,
 რის შემდეგაც თვითული დედალი პეველა
 სდებს გაბნეულათ მტევნის კოკრებზე 30—50
 პაწაწკინა წყლის ფერ მოყვითაო, ოდნავ მო-
 გო კვერცხებს. ხუთიოდე დღის შემდეგ კვე-
 რცხებიდან იჩეკებია ქუქყიან მომწვანო ფე-
 რის, ნათელ მორუხეო თავიანი, 16 ფეხიანი
 მატლები, რომელნიც იკვებებიან ვაზის ყურძ-
 ნის კოკრებით. მატლები აკეთებენ აბლაბუ-
 დის ქსელის მავვარ საფარს და ხარბათ ჰყუ-



სრავენ ყურძნის დაუყვავილებელ კოკრებს; რამდენჯერმე კანს იცვლიან და როცა 9—10 mm სიგრძეს მიაღწევენ, რაც დაახლოებით მისის გასულბაში ხდება, იქვე ყვავილში თეთრ პარკუჭანას აკეთებს და ამ პარკუჭანაში ჭუპრათ გარდიქმნება ხოლმე. თვითიველ მტევანზე ხშირად რამდენიმე მატლი ბუდობს და გარდაქმნასაც აქვე აწარმოებენ. ჭუპრიდან 8—10 დღის შემდეგ გამოდის მეორე თაობის პეპელა, რომელიც არაუარესად განირჩევა პირველ თაობის პეპელისგან, ისევე ცხოვრობს ოღონდ კვერცხების დებს იწყობს საამდროვოდ დაღისკრიმებულ მარცვლებზე. კვერცხებიდან იჩეკებიან მეორე თაობის მატლები, რომელიც გამოჩეკის უმაღლეს ხერცტენ ყურძნის მარცვალს, ჩაიდან შიგ და სახლოვობენ მარცვლის შინაგანით; ერთი მარცვლის გამოხვრის შემდეგ გადადიან მეორე მარცვალზე და ამ გვარათ თვითიველი ჭია ათიოდ მარცვალს ავენებს. მატლი უფრო ეტანება ტყუპათ მდებარე მარცვლებს და კუმს მტევანს. გამოხვრული მარცვლები ქიქებიან და ხმებიან, მხოლოდ თუ ადვილიანი ამინდია, შეიძლება ჩალობა დაიწყონ. გამოხვრული მარცვლები ადვილათ შესამჩნევი არიან თავიდანვე, რადგან ჭიისგან გახვერტილი ალაგები მკაფიოდ მოსჩანან. მკათათვის გასულს მეორე თაობის ჭია უკვე აღზრდილია, აკეთებს თეთრი ქსელის პარკუჭანას, უმეტეს შემთხვევაში თვით გამოხვრულ მარცვალში და ჭუპრათ გარდიქმნება ხოლმე. მარიამობისთვის 10 ოცივებში პარკუჭანიან გამოდის მესამე თაობის პეპელა, რომელიც ისევე კვერცხებს სდებს ყურძნის მარცვლებზე. კვერცხებიდან მატლი იჩეკება მარიამობისთვის 15—20 ოცივებში და გამოჩეკის უმაღლეს ხერცტენ ვეღარ შესულ ყურძნის და ისევე ვენებს ყურძნის. როგორც მეორე თაობის მატლი, დაახლოებით ენკენისთვის გასულს აღზრდილი მატლი მოსკო პარკუჭანას აკეთებს სადმე მიმალულ ადგილას ან მერქნის ანახეთქში, ან ვაზის ქერქში ან ვაზის ხერცტეში ჭუპრათ გარდიქმნება ხოლმე და გახაფუხულად მიძინებული რჩება. აპრილის შუა ოცივებში ჭუპრი გარდიქმნება ხოლმე პეპელათ, რომელიც პირველ თაობის კვერცხს სდებს და ამ გვარათ ეს მანვე მწე-

რი წლიდან წლამდე თავის შთამომავლობის შენახვა-მომრავლებას აწარმოებს. ცივი და ნესტიანი აზინდი ხელს უშლის მწერის მომრავლებას, რადგან ბევრი კვერცხი ფუჭდება და თვით პეპელაც უფრო ხანმოკლე დრო ცხოვრობს და ნაკლებ კვერცხს სდებს. როგორც აღვნიშნეთ მაგნე ერთი ზაფხულის განმავლობაში სამ თაობათ ბარტყობს, პირველი თაობა მუსრს ავლებს ყურძნის კოკრებს, მეორე დაისვირებულ ყურძნის და მესამე—თვალშესულ ყურძნის.

ზოგიერთ წლებში ზარალი მეტათ საგრძობია ხოლმე, მიენახეს $\frac{2}{3}$ მოსავლისა ეკარგება და თვით გადარჩენილი მოსავლის ღირსება დაბალია, რადგან დაავადებულ დამპალ ყურძნის მწვენიდან დამდგარი ღვინო მრავალ სნეულობას განიცდის შენახვის დროს. მანქანათან საბრძოლველათ ბევრ გვარ საშუალებასა ხმარობენ; მათ შორის აღსანიშნავია პარიზის მწვანით მოწამულა ჭიისა, და ეს საშუალება უფრო ღირსშესანიშნავია სხვა გვარ ბრძოლისთან შედარებით.

პარიზის მწვანე საშინელი შხამია ყოველ ცხოველისთვის და თვით ადამიანისათვისაც. ამიტომ ხმარების დროს სიფრთხილეა საჭირო. ჭიამ სულ ოდნავ ნაწილიც კი რომ ჩაატაროს ამ შხამისა ჭამის დროს მოიშხამება. ამ მიზნით ვერმორელის აპარატებით ვაზს უნდა შეესხუროს ეს შხამი ან ცალკე მომზადებული ან შხამიანთან ერთათ შეზავებულია. თუ შხამიანთან ერთათ აზავებენ, ვითიველ ვერდელ დამზადებულ შხამიანზე უმატებენ 4 მისხალ პარიზის მწვანეს, ანუ ჩაუხედ 6 მისხალს, ოღონდ პარიზის მწვანის მიმატების უმაღლესი სითხეს ურევენ არა ნაკლებ 10 წუთისა, რომ აითქვიფოს კარგად მთელ სითხეში, რადგან იგი წყალში ვერ იხსნება. სჯობია პარიზის მწვანე ჯერ გაითქვიფოს ცოტადენ წყალში, მერე ჩაისხას შხამიანის მიმზადებულ ჭურჭელში და კარგათ ათრიოს. სწამლობენ ვაზს ისევე. როგორც შხამიანით წამლობის დროს, ოღონდ მომუშავემ ხშირათ უნდა შეაქანჭყაროს ხოლმე აპარატ ხურგზედ, რომ პარიზის მწვანემ არ დაილექოს და სითხე უშხამით არ შეესხუროს ვაზს, რადგან მატლი საკუთრივ ყვავილს და ყუოდნის ვანებს, ამიტომ მტევანს უნდა უხვათ შეეს-

ხუროს წამალი. შეიძლება წამლის მომზადება, უშუალოდ. ამ შემთხვევაში თვითივე ვედროს წყალზედ იღებენ 4 მისხალ პარიზის მწვანეს, 8 მისხალ უწყლო კირს და 20—30 მისხალ ფქვილს ან შაქარს, ერთმანეთში არევენ კარგათ მოზრდილ ხის კასრებში და ვერმორელის აპარატებით ასხურებენ საკუთრივ მტევნებს. კირი საჭიროა რომ წამალმა არ დასწყას მქვანე ნაწილები—სიმკვავე მოსჩლუნგოს, ხოლო ფქვილი ან შაქარი წამალს უკეთ მიაკრწოწებს მკენარზედ. ამ გვარათ შეზავებული წამლის ხმარობის დროსაც საჭიროა ხშირი დარევა სითხისა და ზურგზედაც აპარატის შექანა-ქყარება, რომ საწამლაგმა არ დაიღექოს აპარატის ძირზედ და წამლობა უშედეგოთ არ დარჩეს. წამლობა პარიზის მწვანით ვაზს უნდა იმ დრომდე, ვიდრე კვერცხებიდან გამოიჩიკებიან მატლები, რადგან გამოჩეკის უმაღ ძვრებიან მარცვალში, შიგვე იკვებებიან და შხ.მის გავლენას არ განიცდიან. ამის მიხედვით პირველი წამლობა უნდა გაკეთდეს აპრილის 25 რიცხვებში, მეორე წამლობა თბბთვის 15 რიცხვებში, მხოლოდ მესამე წამლობა მარიაპოლისთვის 12 რიცხვებში. მეორე და მესამე წამლობის შემდეგ, როცა მატლის გამოჩეკის ხანა დადგება, უნდა გადიხილოს მტევნები. ყველა დაავადებული მარცვალი უნდა დაიკრიფოს და მღუღაუე წყალში ჩაიყაროს, რომ მატლები დაიფუჭენ. თუ ასე არ უმარჯვენს ამ მენესთან ბრძოლა, შხამ გადარჩენილი მწერები საგრძნობლათ დააზარალებენ მოსავალს. ამ ბოლო დროს შემოიღეს უფრო რადიკალური წამლობა—შეზავებულ პარიზის სითხეს არ ასხურებენ მტევნებს, არამედ ქოთნებში ასხამენ და თვითივე მტევანს ქოთანში აბანებენ, ოღონდ ქოთანს ხშირათ აქანაქყარებენ, რომ შხამმა არ დაიღექოს. ამ გვარ წამლობას უფრო კარგი შედეგები მოაქვს და უმეტეს შემთხვევაში ყველა მატლები იღუპებიან, რადგან მტევნები მთლათ დაშხამულნი იქნებიან. მესამე წამლობა ამ გვარათ საშიშია, რადგან ყურძენი ლამის მოწყულია და შეიძლება მტევანს შხამი შეჭყვეს დაწურვის დროსაც და მერე ლვინოში გადავიდეს, თუ წვიმებში არ ჩამორეცხეს წამალი.

ამ მენით დაავადებულ ვენახების გასხელის დროს ვაზს ქერქიკ უნდა გაიცალოს, თუ პარკუქანები შეამჩნიეს უნდა დაიბრისონ, რადგან როგორც მოვიხსენიეთ, მესამე თაობის ჭია პარკუქანებს უმეტეს შემთხვევაში ვაზის ქერქის ქვეშ აკეთებს და ზამთრის განმავლობაში ქუპრათ გადაქცეული თავს იქ ინახავს.

სიჭიროა, რომ წამლობა და ბრძოლა ამ მავნესთან სწარმოებდეს ყველა მევენახესმიერ იმ რაიონში, სადაც მავნე აღმოჩნდება. რადგან, თუ უწამლებს ერთი მევენახე და მისი მეზობელი კი უყურადღებოთ დასტოვებს ვენახს, უწამალე ვენახიდან შეესევამავნე ნაწამლ ვენახში.

ვეროვის სახელმწიფოებში, იქ სადაც ამ გვარი მავნე აღმოჩნდება ხოლმე, თემების აგრონომიული კომისიის დადგენილებით მოვალეა ყველა მევენახე უწამლოს ვაზს და, თუ რომელიმე არ სწამლობს, თემი თავის ხარჯით სწამლობს ვენახს, ხოლო ხარჯს და ჯარიმას კი მერე ვენახის პატრონს ახდევინებენ.

ადვილი არ არის ყურძნის ჭიასთან ბრძოლა, ბევრ დროს და დაკვირვებას თხოვლობს თვითივე მევენახესაგან, მაგრამ ყველა ჭირს გაძლოა უნდა და მოსავლის გადარჩენაკი მთლათ დამოკიდებულია მევენახის მუყაითობაზედ.

ბ. ჩოლაყაშვილი.



ზროვის საპითხი მევენახეობა-მეღვინეობაში.

მეტია იმის მტკიცება, თუ რა დიდი მნიშვნელობა აქვს ჩვენი ქვეყნის ეკონომიურ მდგომარეობის გამტკიცება—გაუმჯობესობისათვის მევენახეობა-მეღვინეობას. საქმარისთა გავიხსენოთ, რომ ეს სოფლის მეურნეობის დარგები უძველესებია ჩვენს ქვეყანაში და დღემდე მისი ზურგზედ ბევრი არ მოიკოვება იმისთანა ადგილები, სადაც იმისთანა ღირსების ყურძენი და ღვინო მოდიოდეს, როგორც ჩვენს პატარა საქართველოში; საჭიროა ისიც ვიცოდეთ, რომ, საერთოთ, ყურძენი მეტად მკირე განსაზღვრულ ტერიტორიაზედ მოდის შედარებით დედა მიწის სიერკესთან.



ამისათვის, ვადამეტებულად არ იქნება თუ ვიტყვით რომ ჩვენი ეკონომიური წინსვლა, ჩვენი ხალხის და რესპუბლიკის კეთილდღეობა ბევრით არის დამოკიდებული ამ სოფლის მეურნეობის დარგების განვითარებაზე: არც ერთს ეკონომიურს რეფორმას არ შეუძლიან ისეთი სასურველი შედეგება მოუტანოს ჩვენს სამშობლოს, როგორც ღონისძიებებს და საშუალებებს მევენახეობის და მკლვი ნეობის შესაფერ საფეხურზედ ამყვანებს.

რევოლუციამ როგორც ყველას, ჩვენს ხალხსაც ბევრი ბედნიერება მოჰგვარა: მუშა ხალხი კაპიტალის მონაობიდან განთავისუფლდა, რვა საათის სამუშაო დროს შემოღება ცხოვრებაში განახორციელა და მუშა ხალხს შეძლება მიეცა ადამიანური ცხოვრებისა და თავისუფალ დროს კულტურულ შემოქმედებითი მუშაობისა; შეიძლება ითქვას, რომ სამუშაო დროს შემკირებას უმეტეს შემთხვევაში არ ჰქონია შედეგათ წარმოების შემკირება და მისი მოსპობა. მაგრამ არის წარმოების მეურნეობის იმისთანა დარგი, რომელსაც რვა საათის მუშაობის შემოღებამ დიდი ზარალი მოჰგვარა და, თუ ასე ვაგრძელდა, შეიძლება სრულიადაც მოსპობს მეურნეობაც და თვით ხალხიც. მე ვვლენისხმობ სოფლის მეურნეობას და განსაკუთრებით მევენახეობას და მართლაც, ვინც კი მისდევს სოფლის მეურნეობას, ის ამუშავებს ვენახს, იმისათვის აშკარაა რვა საათის მუშაობის მაგნებლობა. ამის დამამტკიცებელი საბუთები ძეტად ბევრია თვით სოფლის მეურნეობის და მევენახეობის წარმოებაში და იმ განსხვავებაში, რომელიც არსებობს მის და სხვა წარმოებების შორის.

ქარხანაში ან ფაბრიკაში მუშაობა სწარმოებს დახურულ შენობაში და ამინდს არ შეუძლიან ხელი შეუშალოს მას. წარმოების ნაყოფიერება დამოკიდებულია უმთავრესათ ნედლ მასალის რაოდენობაზედ და მანქანების სისტემის გაუმჯობესებაზედ. მუშა აქ პასიური პირია, იგი მანქანის ან წარმოების შედარებით პატარა ნაწილია, რადგანაც მთელი წლის განმავლობაში და სიკოხლემშიც ერთსა და იმავე საქმეს აკეთებს და დახშულ ჰაერში უბღება მუშაობა, მალე იღლება და

ბერდება მუშაობა. ამ გვარ წარმოებიდან საქონელი წელიწადში რამდენჯერმე მიიღება (სეზონის წარმოებების გარდა-როგორც არის შაქრის დამზადება, სპირტის და სხვა) და დამზადებული საქონელი პირდაპირ ბაზარზედ მიდის გასასყიდად; ასე რომ წარმოებაში დაბანდებული მომეტებული ნაწილი კაპიტალისა წელიწადში რამდენჯერმე შემოტრიალდება ხოლმე. ამის გარდა, ქარხანაში ან ფაბრიკაში წარმოება რომ დროებით იყვას შეჩერებული სრულიად არ ავნებს დასამზადებელ საქონლის ღირებებს და თვით წარმოებასაც, სულ სხვა ხასიათისაა მევენახეობა. მუშაობა კის ქვეშა სწარმოებს და ამინდი ხშირად ხელს უშლის, აჩერებს და ზოგჯერ ავნებს კიდევ ნამუშავარს და მუშაობას. მუშა აქ აღზარდელ მშობლის თანამდებობას ასრულებს, რაც ასე კარგათ არის გამოხატული მევენახის სიმღერაში „ვახო, შეილივით აღზრდილო, უღვაშებ მოგი გრვიბა“... მუშაობას მრავალ ფეროვანი ხასიათი აქვს (თონხა, ვასნულა, გაფურჩქნა და სხვა) და ყოველ გვარ მუშაობას განსაკუთრებული გავლენა აქვს ვაზზედ და ყურძნის ღირებულებაზედ და ეს გარემოება მუშას უღვიძებს სიყვარულს, მეტს დაკვირვებას და შემოქმედებას. ყოველ გვარი მუშაობა განსახლვრულო დროს სწარმოებს და ეს გარემოება ისეთ პირობებსა ჰქმნის, რომ ზოგჯერ რომელიმე მუშაობის დაგვიანება სრულიათ უღუნავს მეურნეს მოსავალს (წამლობა, ვასნულა და სხვა). მოსავალი წელიწადში მხოლოდ ერთხელ მოდის, და თუ იმასაც მივიღებთ მხედველობაში, რომ ეს პროდუქტი კიდევ უნდა გადამუშავდეს და ამას უნდება არა ნაკლებ კიდევ ერთი წლისა, ადვილია წარმოვადგინოთ, რომ პროდუქტი ისე სარგებელი დახარჯულ კაპიტალზედ მიიღება არა უჭარბს იმ წლისა და ზოგიერთ შემთხვევაში კი უფრო გვიანაც, და თუ სამუშაოები დროზედ არ იქნა შესრულებული ადვილად შეიძლება მწარმოებელმა დეკარგოს არა მარტო წლის მოსავალი, არამედ ძირითადი კაპიტალიც, რაც დახარჯულია ვენახის გაშენებაზედ. ისიც არის გასათავალისწინებელი, რომ თუ შევადარებთ სოფლის მეურნეობის და ქალაქის მეურნეობის დროს რაოდენობას მიიღი წლის



განმავლობაში და მივიღებთ მხედველობაში იმ გარემოებას, რომ ზამთარში ვენახში არ შეიძლება მუშაობა ზოგჯერ სრულიადაც. სოფლის მუშას ვაკულებით ნაყლები საათები გამოჟვა ნამუშვრისა, და მასთანადაე უთანასწორობაც ქალაქის მუშასთან.

ამისათვის არის, რომ ყველა დაწინაურებულ ქვეყნებში კარგათ ესმით სოფლის მეურნეობის და მევენახეობის განსაკუთრებული პირობები და არსად დედაშიწის ზურგზედ მუშებს არა აქვთ მოთხოვნილი სოფლის მეურნეობაშიაც რვა საათის მუშაობის დროს განხორციელების საჭიროება: უმეტეს შემთხვევაში მუშაობენ იმდენს, რამდენიც შეიძლება ამინდისა და საჭიროების მიხედვით. ვერც ერთმა ვაუქაობებულმა მანქანამ სოფლის მეურნეობაში ვერ წასწია ნაშრომის ნაკადი. რება ისე როგორც ფაბრიკაში. პირადი მომქმედი, მუშა იყო და არის უმთავრეს მომქმედით, აქტიურ ნაწილად წარმოებისა, რომლისგანაც უმთავრესათ არის დამოკიდებული მეურნეობის კეთილ-დღეობა. ეს გარემოება კარგათ ესმის ყველა სოფლის მუშას, და როცა იგი აწარმოებს თავის მეურნეობას არ ზოგავს ჯანსა და ღონეს. ცდილობს, რომ რაც შეიძლება კოპწია, სუფთა, საღათ შეინახოს თავის ვენახი და არა ნორმალურ ადამიანად ჩასთვლის იმ პირს გულში მიანც, რომლიც ურჩევს მას მხოლოდ რვა საათის მუშაობას მის ვენახში, როდესაც მას ესაჭიროება წამლობა, ან თონა ან მოკრევა.

მასთანადაე, თუ ვავითვალისწინებთ ყველა ნათქვამს. ჩვენც არა ნორმალურად უნდა ჩავთვალოთ 8 საათის მუშაობა მევენახეობაში, იგი მახალბედად და უსამართლოდაც უნდა იყოს მიჩნეული.


მედენეობა უფრო წააგავს ქარხნის წარმოებას. მაგრამ ამ დარგშიაც არის ხანა, როდესაც დეფინების შეუძლიან აუნაზღაურებელი ხარალი მოუტანოს მეურნეს. რთვილში, ყურძნის დაწურვის დროს საჭიროა დაწყებული საქმე დასრულებული იყოს. შეიძლება, ყურძნის წურვა მევენახეობასთან უფრო ახლოსაც იყოს თავის ხასიათით, ან და მათ შუა გარდაშვალ, გადაბმულ მომენტს შეა-

დგენდეს. ამის გარდა, რადგანაც ღვინის წარმოება ერთგვარ ორგანიზმის (მელვინეობაში შესამჩნევი ადგილი უჭირავს ღვინის დედის ცხოველყოფილობას) აღზრდას წარმოადგენს, უნდა საჭიროდ ცნობილი იყოს, რომ როცა კი საქმე მოითხოვს სამუშაო დრო გადიდებულ იქნას.

თუ გინდა ჩვენი შეკენახეობა და მეღვინეობა მკვიდრ ნიადაგზედ დავაყენოთ, ავაყვავოთ და მართლა ხალხის მეურნეობის უმთავრეს შემოსავლის დარგათ გავხადოთ, საჭიროა მივიღოთ შემდეგი დებულებანი:

1. შევენახეობაში მართლადან—გორგობისთვისმდე მუშაობა უნდა სწარმოებდეს არა ნაკლებ 10 საათის, სხვა დროს კი 8 საათი.
2. თუ საჭიროება მოითხოვს მუშაობის დრო გადიდებული უნდა იყოს და სავალდებულო ყველა მომუშავეთათვის ზედ დამატებით ფასის ანაზღაურებით ვადამეტებულ მუშაობის დროისათვის.
3. სარდაფში ჩვეულებრივ მუშაობა უნდა სწარმოებდეს 8 საათი, ყურძნის დაწურვის დროს კი როგორც მევენახეობაში.
4. თუ სარდაფში ვარემოება მოითხოვს სავალდებულო უნდა გახდეს ზედ მეტი მუშაობა ფასის დამატებით.

აგრონომი დ. გედევანიშვილი.



ღვინის წარმოება.

მცირე განვითარების პირობები. რადგანაც ტბილის დღილი დაკავშირებულია მცირე—სოკოს განვითარებასთან, ამიტომ მოკლედ მოვიხსენიებთ ზოგ იმ გარემოებას, რომელიც ვავლენას ახდენს მასზე. უპირველესად შევხებით სითბოს ვავლენას. თუცა სხვა და სხვა ჯიშის მცირე სხვა და სხვა თბიდანდს (ტემპერატურა) იტანს, განსხვავება ამ თბიდანდთა შორის დიდი არ არის. სამაგეროდ დიდი მნიშვნელობა აქვს სიმშრალე-სინოტიეს: თუ მშრალი მცირე განიცილის სითბოს ვავლენას,



მას 110. C-საც კი შეუძლია გაუძლოს; ხოლო, თუ იგი ნოტიოა, მაშინ 70-ზედაც ველარ სტოკლობს და ბევრი მათგანი 50-ზედაც კი კვდება. სიცოცის ატანა უფრო უკეთესად შეუძლიათ: გამოკდილებამ გვიჩვენა, რომ ყინულში ჩაყინული მცია, ყინულის გაღობის შემდეგ ისევ ჩვეულებრივ ცხოველმყოფელობას იჩენს. და ეს არც ვასაკვირვია: ჩვენ ვიცით, რომ ზამთარს მცია მიწაში ატარებს (ზედაპირთან ახლო, რასაკვირველია) და მიწას კი ჩვენში ყოველწლივ თოვლით არის დამარული და ხშირად გაყინულიც. მციას რომ ამ სიცოცის ატანა არ შესძლებოდა, მაშინ ის გაიყინებოდა და მოკვდებოდა, ყურძანის მწიფობის დროს მტევანზე ველარ გაჩნდებოდა და დაწურული ტკბალი ველარ ადუღებოდა. ჩვენი ტკბილი კა, ზამთრის ყინვების მაუხედავად, ყოველთვის დულს—სიწანს მციას ჩვენი ყინვა-სიცივე ვერასა ვნებს.

ტკბილის დუღილის დაწყებისათვის ყველაზე უფრო შესაწყობი თბიდანდი (ტემპერატურა) 10°—15°-დეა: თუ ტკბილში ბევრი შაქარია, მაგალითად 20—25%, ამისთანა ტკბილისთვის უფრო შესავერ თბიდანდა ითვლება 12—15° C., ხოლო თუ შაქარი 20 ასიდანზე (პროცენტზე) ნაკლებია, მაშინ უკეთესია 10—12° C. თუ ტკბილის თბიდანდი ტემპერატურა) აღნიშნულზე პატარაა მაშინ, თუმცა დუღილი მაინც სწარმოებს, მაგრამ ნელა მიმდინარეობს. დიდხანს გრძელდება და ნაწილად შაქარის გაუნაწილებელი რჩება; უფრო მაღალ თბიდანზე (30° C-დე) კი დუღილი უფრო მძლავრად მიდის, მაგრამ მცირე უფრო ადრე იხიკებთან და შაქარი ტკბილში აგრედვე დაუშლელა რჩება. 40° C-ზე დუღილი სულ მთლად ჩერდება.

ნათქვამის ნათელსაჩენად გამოკდილებების მაგალითის მოვიყვან: გამოკდილებულია, რომ თუ ტკბილმა 4° C-ზე დაიწყო დუღილი 24 საათის განმავლობაში მციათა რიცხვი

2,3 ჯერ მატულობს.

13° C-ზე	—4,8	„	„
23° „	—12,1	„	„
28° „	—17,6	„	„
31° „	— 6,4	„	„
38° „	— 0	„	„

ასე რომ ამ რიცხვებს მიხედვით (რომელიც პეჯერსენის გამოკვლევას ეკუთვნის), ყველაზე ძლიერი დუღილი სწარმოებს 28° C-ზე. მაგრამ, როგორც უკვე მოვიხსენიეთ, ეს კიდევ იმას არა ჰნიშნავს, რომ ასეთი დუღილი ყველაზე სასურველი იყოს. ჩვენა ვთქვით, რომ ამისთანა მძლავრ დუღილს დროს შაქარი დაუშლელი რჩება, ე. ი. ლიწონში ნაკლები ძალიანი ჩნდება, და აი ამისი დამამტკელებელი რიცხვებიც. მაგალითისთვის აღმებულია ძალიანი ტკბილი ყურძანის წვენი ოთხედ განაწილებული და ცალ-ცალკე სხვა და სხვა თბიდანზე დადუღებული.

ალკოჰნდა, რომ 9°-ზე დადუღებულს 100 კ. ც. ლიწონს ჰქონდა	13,71	წონაწილი ძალარი
18°-ზე დადუღებ.	12,69	„
27	9,70	„
36	6,40	„

ამგვარად თუმცა დაბალ თბიდანზე (ტემპერატურა) დუღილში შეიძლება 2—3 ჯერ უფრო დიდხანს გასტანოს, მაგრამ სიმაგიეროდ ლიწონში უფრო მეტი ძალარი ჩნდება—ხოლო მაღალ თბიდანზე, თუმცა დუღილი ჩქარა თავდება, მაგრამ ტკბილი სრულად არ დადუღდება—ხოლო მე დლიწონში შაქარი რჩება. ჩვენში დიდი სიციხების გამო, და სადუღებელ ქურჭლის თუ თვით ტკბილის გაციების შეუძლებლობის გამო, ტკბილი უკეთეს მძლავრად იწყებს დუღილს მაღალს თბიდანზე და ამიჯომ (უკვე წინა წერილკაში მოხსენებულ მიზეზებთან ერთად) ლიწონები ტკბილი რჩება. დუღილი კი უფრო დაბალ თბიდანზე რომ სწარმოებდეს, ჩვენს ლიწონებში ძალარიც ცოტათი უფრო მეტი იქნებოდა და სხვაფერიც ლიწონები აგრე ადვილად არ დაზიანდებოდა, როგორც ეს ჩვეულებრივად ხდება ხოლმე.

შაქრის რაოდენობის გავლენა მციაზე. თუ მცია მეღვინეობაში არა გვაქვს ხოლმე საქმე ამ საკითხთან, მაგრამ ორიოდ სიტყვით მაინც მოვიხსენებ, რომ მციას აღარ შეუძლია ზრდა იმისთანა ტკბილში, რომელშიც შაქრის რაოდენობა 60 ასიდანს (პროცენტს) აღწევს, და საერთოდ კი მისი თავისუფლად მოქმედება იზღუდება უკვე 30%-იან ტკბი

ლიდან.

ჰაერის გავლენა მციაზე და დუღილზე. გამოკვლილებამ დაამტკიცა, რომ თუ ჰაერისგან მთლად დახურულს ჭურჭლებში იყო დაწურული ყურძენი, ამისთანა ტკბილი ნელ-ნელა შედიოდა დუღილში. ხოლო თუ ამისთანა ტკბილში მანქანებით მძლავრად ჩაუბერავდნენ ჰაერს, მაშინ ტკბილი უცბათ იწყებდა დუღილს, თბიდანდი (ტემპერატურა) რასაკვირველია ზევით იწყებდა. მციათა რიცხვი უცბათ მრავლდებოდა და, რადგან თავის საზღოდ მცია უმთავრესად სხვადასხვა ჰაისნივითობებსა ხმარობს, (აზოტის ნივთ). ამის გამო ჰაისცულობა (აზოტის ცულობა) დამდგარ ღვინოში უფრო ნაკლები იყო, ეს გარემოება რასაკვირველია ღვინოს გამძლეობასა ჰმატებს, რადგან ზოგიერთი ავადმყოფობა ამგვარ ღვინოს სკოლდება.

ჰაეროვანი ტკბილიდან მიღებული ღვინო ჩვეულებრივ საესებით არის ხოლმე დადუღებული, ჩქარა მჭიდდება და ვადაბრუნებაც ნაკლებად იცის, — მაგრამ ჩვენებურად დაწურულს ღვინოს ეს თითქმის სრულებით არც კი შეეხება: სანამ ტკბილი ქვევრებში მოვროვდება მას იმდენი შემთხვევა აქვს ჰაერი გაიროს, რომ მისთვის ჰაერის ჩარევა ჩაბერვით სრულიად არავითარ საჭიროებას აღარ წარმოადგენს. თუმცა დუღილის დროს სადუღებელ ჭურჭლის პირთან მოვროვილ კლერტის და ჩენჩოს, ეგრედ წოდებულ „თავის“ ჩაბრუნებით ერთგვარ ჰაერის ჩარევისა ცვა-ღწევით და ამით დუღილს ხელს ეუწყობთ (თუმცა „თავის“ ჩაბრუნებას სულ სხვა მიზანი აქვს).

როდესაც უნდათ, დუღილი ჩქარა დამთავრდეს, ჰაერს ჩაურევინ ხოლმე არა მხოლოდ დუღილის დაწყებისას, არამედ შემდეგაც, დუღილის დროს.

ჰაერის ჩარევით დუღილი ჩქარდება ერთის მხრით, როგორც უკვე ზევითა ვთქვით, ღვინის დედის მსწრაფლად გამრავლებით; ხოლო მეორეს მხრივ იმ გარემოებით, რომ ტკბილში ჰაერის ჩარევის დროს სადუღებელ ჭურჭლის შინაარსი ირევა: დაბლა დაღეჭილი მცია — ღვინის დედა დაბლა დარჩენილ გაუნაწილებელ ტკბილთან ერთად ზევით ამოდის,

ცხოველდება და დუღილის მსვლელობაში სხვა მკობებთან ერთად კვლავ მონაწილეობას იღებს — ამ გვარად ცხადია, როდესაც მციათა მეტორიცხვი იღებს მონაწილეობას ჰაერის დაშლაში. დუღილი უფრო ჩქარა იწარმოებს და ადრეც დამთავრდება. მაგრამ ჰაერის ჩაბერვის გავლენა ტკბილის დუღილზე სხვა-ფრივადაც აიხსნება. საქმე ის არის, რომ — ეს უკვე ღიდიხანია მოხსენებული იყო. — ჰაერის დაშლის დროს გაჩენილი ნახშირბადი CO_2 წარმოადგენს ერთგვარ შხამს, რომელიც თუმცა არა ჰკლავს მციას, მაგრამ მის გამრავლებას მაინც ხელს უშლის. როდესაც ჩვენ ტკბილში ჩაბერვით თუ სხვაფრივ ჰაერს ურევთ, ამ დროს ტკბილი დიდს მოძრაობაშია და მასში გაჩენილი და გახსნილი შხამი ნახშირბადი CO_2 ადვილად ჰშორდება მას — ეს გარემოება კი თავის მხრით ხელს უწყობს, როგორც მციის გამრავლებას. აგრედვე მის მიერ ჰაერის განაწილების საქმეს.

ყოველივე ზევით ნათქვამიდან ნათელი ხდება, რომ განსაკუთრებული მნიშვნელობა ეძლევა ჰაერის ჩარევას. როდესაც ძალიან სქელ ტკბილთანა ვვაქვს საქმე: ამ შემთხვევაში ბევრი ძალბარი (ალკოჰოლი, სპირტი) და ნახშირბადი CO_2 ჩნდება და თუ ეს უქანასკნელი არ გაიღვენა, დუღილი ნელდება; ამას ვარდა, მაშინ როდესაც ჭურჭელში ზევით პირთან უკვე მთლად დადუღებულია ხოლმე ტკბილი, დაბლა, ჭურჭლის ძირში ჯერ კიდევ ბლომად მოიპოვება დაუშლელი შაქარი და, თუ ჩაბერვით ტკბილი არ აირია, ნაწილი ჰაერისა გაუნაწილებელი დარჩება: ამას კი ხანგრძლივი ჩუმი დუღილი სდევს თანა და ღვინო მღვრიედ რჩება დიდხანს.

ამ ჰაერის ჩარევის დროს ერთსა განსაკუთრებულს პირობას უნდა მიექცეს ყურადღება: სახელდობრ იმას, რომ ჰაერის ჩარევა უნდა მოხდეს სანამ ღვინის დედა მშვივრობის მდგომარეობაში არ გადასულა, თორემ მცია ამ მდგომარეობაში თავის სამსუბუქის გამო მოტივტივებულირება ღვინოში და აგრე ადვილად აღარ ილექება — ღვინო ერთხანად მღვრიეც დარჩება.

(გაგაქლება იქნება)

მ.ხ. შლამბერიძე.

კახეთის გეგანახაოგის და მალვინაოგის მდგომარეობა.

(მოხსენება წაკითხული მევენახეთა და მეღვინეთა კონგრესზე).

რომ საქართველო სასოფლო მეურნეობის ქვეყანაა, ეს საღიო სავანს არ შეადგენს. მისი სასოფლო მეურნეობა უმთავრესად ემყარება მაღალ კულტურის სასოფლო სამეურნეო ნაწარმოებთ: ღვინო, თამბაქო, ჩაი, ხილი, აბრეშუმი და სხ. შემოსავლიან დარგებს. ყველა ამ დარგთა შორის უმთავრესი ადგილი უჭირავს ჩვენში მევენახეობა-მეღვინეობას, რომელსაც საქართველოს სოფლის მცხოვრებთა 30 პროც. მიხედვით (9 მათსამდე მეკომური.

მაგრამ საქართველოს ყოველ კუთხეში ერთნაირი მნიშვნელობა არა აქვს მევენახეობას: იგი ზოგან თუ მეორე ხარისხიდან ანუ დაწინაურებულ საშუალებას წარმოადგენს, ზოგან ის უმთავრესი და ხშირად ერთადერთი შემოსავლის წყაროა. განსაკუთრებული მნიშვნელობა საქართველოში მევენახეობას აქვს მთელ კახეთისთვის და უმთავრესად კი ალაზნის მარჯვენა ნაპირზედ ერთ ხაზზედ დამწკრივებულ სოფლებისთვის ანგეტიდან მოყოლებული ვიდრე ხირსამდე; და რაც უფრო თელავის მხარეიდან უახლოვდებით სიღნაღის მხარას—მევენახეობა იღებს უფრო ინტენსიურ ხასიათს.

ჩვენ სამწუხაროდ უტყუარი ცნობები ვენახების და მევენახეთა რაოდენობის შესახებ არ მოგვეპოვება და მთელი ჩვენი დასკვნები უნდა დავამყაროთ იმ ცნობებებს, რომელთაც აქვეყნებდნენ სხვადასხვა სახელმწიფო ან კერძო დაწესებულებები. ამ ცნობათა მიხედვით საქართველოში ამჟამად ანგარიშობენ ვიდრე 65000 დესეტინა ვენახს, საიდანაც თბილისის საგუბერნიო მევენახეობის და მეღვინეობის კომიტეტის მიერ 1913 წ. გამოქვეყნებულ ცნობათა მიხედვით, 32485 დესეტინა ვენახი ე. ი. თითქმის ნახევარი თბილისის გუბერნიაში ანუ აღმოსავლეთ საქართველოში ითვლება. იმავე კომიტეტის ცნობით 1913 წლისთვის კახეთში უნდა იყოს

(თელავის, სიღნაღის და თიანეთის მხარეებში) 20243 დესეტინა ვენახი. ვფიქრობთ, რომ ეს ცნობები სინამდვილეზე ახლოს ვერ უნდა იყვნენ (როგორც ნამდვილათ ვიცით სოფ. ველისციხის, გურჯაანის და კარდახანის რაიონებში ეს ცნობები 20 პროც. ნაკლებია ნამდვილზე.) ყოველ შემთხვევაში მთელი ეს ვენახები განაწილებულია შემდეგ ნაირად: წინა მხარს ე. ი. ალაზნის ველს უჭირავს 19508 დესეტინა, ხოლო უკანა მხარის 7 სოფელს 735 დეს. უკანა მხარის მევენახეობაც არ არის მცხოვრებთა შემოსავლის ერთადერთი წყარო და როდესაც ვლაპარაკობთ კახეთის მევენახეობაზე, მხედველობ. გვაქვს განსაკუთრებით ალაზნის ველი ანუ წინა მხარი. თუ საქართველოს სხვადასხვა კუთხეში ჯერ საბოლოო იტყვი არ თქმულა, მეურნეობის რომელ დარგს უნდა დაადგეს იგი კუთხე თავის გეოლოგიური და კლიმატიურ პირობების მიხედვით.—სამაგიეროდ კახეთის წინამხარის შესახებ მტკიცედ უნდა ითქვას, რომ ეს კუთხე მართლმევენახეობისთვის არის გამოსდევნი—მეტადრე ალაზნის მარჯვენა ანუ მარცხენა ნაპირის ბუნება შესაძენველად განირჩევა გამოღმა მხარისგან. მისი მდიდარი ნიადაგი, გაღაშლილი მინდორები, სარწყავ წყლის სიუხვე და მოსახლეობის შედარებითი სითხვე შესაძლებლად ხდის შერეულ მეურნეობის წარმოებას (მევენახეობა, ბენათესვა, მესაქონლეობა, მეხილეობა და სხვა). აქაც მევენახეობა არ შეადგენს ერთადერთ საარსებო წყაროს, თუმცა მას უჭირავს თვალსაჩინო ადგილი (ალაზან ვალმა მდებარე 12 სოფელს აქვს 3335 დესეტინა ვენახი). ღვინო თავისი ღირსებით შესაძენველად განირჩევა გამოღმა მხარის ღვინოებისგან (გარდა ყვარლის რამდენიმე თიანეთის ვენახებისა, რომელთა ღვინოებიც ცნობილია მაღალ ღირსების ღვინოთ). სამაგიეროდ ალაზან გამოღმა მხარე ტოპოგრაფიულ და კლიმატიურ პირობათა ზედგველენით განსაკუთრებით მევენახეობის წარმოებისათვისაა შექმნილი. ხეხილი ვერ გვარობს რომ მეხილეობას მიეკუთვნება, სარსტენთ ან სათამბაქოთ წყალი არ მოგვეძებნება, საქონლის მოშენება საძირკარი ვიწის სივრცეების გამო შეუძლებელია, ხენა



თვისისათვისაც ჯერ სულ არ არის საქმარი მიწა და რაც არის ისიც ძრიელ უღალაო, მკირე მოსავლიანი და დაბალი ღირსების ხორბლის მომცემი.

ამიტომ მარტო ეს პარეგანი პირობებიც საქმარისი უნდა ყოფილიყო, რომ წინა მხარს შევენახეობა გაეხადა თავის შემოსავლის წყაროდ. მაგრამ ვარეგანი პირობათა გარდა არის ერთი ვარემოება, რომელიც ვალდებულად ჰქნის კახელს განსაკუთრებით მევენახეობას მიჰყვეს—ეს ნაწარმოების მაღალი ღირსებაა. ჩვენ მიზანს აქ არ შეადგენს კახელი ღვინის თვისებათა შექება ან მისი ქიმიური შემადგენლობის უპირატესობაზედ ლაპარაკი სხვა ღვინოებთან შედარებით, მხოლოდ აღვნიშნავთ, რომ საქმარისია გავისხენოთ, რომ მელენიერობის იმ პრიმიტიულ წესით მიღებულმა პროდუქტმაც კი, ასე უკეთ რომ ვსთქვათ, მხოლოდ დამუშავებელმა მასალამ, როგორც ჩვენ ბაზარზედ გავაქვქვს, მოიპოვა ფართო ბაზარი მთელ რუსეთში, უწევს ყველა ღვინოებს ყოფილ რუსეთის საზღვრებში დიდს მერტოქეობას და აღიარებულია როგორც რუსეთის ისე დასავლეთ ევროპის ბევრ მკოდნე მევენახეობა მელენიერობის სპეციალისტის მიერ საუკეთესო ღირსების ღვინოდ.

ალაზნის მარჯვენა მხარეს მევენახეობის ფარგლებად ითვლება (ახმეტედგან ვიდრე ხირსამდე) 49 სოფელი 15240 დესტინა. ვენახების დამუშავება კახეთში საუკეთესო წესით სწარმოებს და შეიძლება ითქვას, რომ ზოგის ერთი ვენახები ხშირად არ ჩამოუვარდება დასავლეთის საუკეთესოდ დამუშავებულ ვენახებს; თუმცა, ჩვენდა სამწუხაროდ, ვენახების დამუშავება ჩვენში უფრო წამბაძველია, რადგან საკუთარი ცოდნა და გამოცდილება ცოტა თუ ვისმეს აქვს. მეტადრე ომის დაწყების წინ ერთმანეთის წაბაძულობით და ერთგვარი მეტოქეობით ერთი-მეორეზედ უკეთესად ამუშავებდა კახელი მევენახე ვენახს. ამ მხრივ თვალსაჩინო მაგალითებს გვაჩვენებენ სოფ. კარდანახი, გურჯაანი. აქ საჭიროდ ვსთვლით აღვნიშნოთ ორი მევენახე—ვენახის არმიყენი ოსუ შეიძლება ასე ითქვას—ს. გუოჯაანის მეურნეი ღვენა მუზარაშვილი და გიორგი

ნაცვალაშვილი, რომელთა ვენახებიც ყოველ წელიწადს წარმოადგენენ ნიმუშს მეყვითობისას, დაკვირვებისას და საუკეთესოდ არიან დამუშავებულნი მუდამ — მათი მეცადინეობა ღირსია აღნიშვნისა. ვენახებას, ევროპული წესით დამუშავების შესწავლაში, ვაზის წამლობაში და ამ დარგში ზოგიერთ ელემენტალურ ცოდნათა გავრცელებაში დიდი როლი ითამაშა კახეთში ყოფილ სუდლოვ, ცხლა სახელმწიფო მამულებმა. ბევრი რამ საჭირო და სასარგებლო წესი მუშაობისა გადიდეს აქედან. დიდი დამსახურება მიუძღვით ამ მამულებს კახეთის მევენახეობის წინაშე. ეს მუდამ უნდა ახსოვდეთ სახელმწიფო მამულის მმართველებს და ცდილობდნენ, რომ კახეთის მევენახეობის წინსვლას მუდამ წინ მიუძღოდნენ და არა კულში მისდევდნენ. მაგრამ სამწუხაროდ სახელმწიფო მამული თუ აქამდის იმას ვაგასწავლიდა, თუ ვენახი როგორ უნდა გაკეთდეს, დღეს იმას ვაგასწავლის თუ იგი როგორ უნდა გაფუჭდეს.

დამუშავების მხრივ, როგორც თავიდანვე აღვნიშნეთ, რაც უფრო თელავის მაზრიდან სიღნაღისაკენ მოიწევთ, ვენახები უფრო ინტენსიურათაა დამუშავებული. მეტადრე განსხვავება თვალსაჩინო. ხდება შარა გზით მოგზაურობის დროს. ს. ურიათუნანიდან რომ შემოხვალთ ნუკუნის ვენახებში, აქ ხშირად ჰხვდებით მართულ გაბაზულ ვენახებს, საუკეთესოდ დამუშავებულებს და რამდენადაც უახლოვდებით გურჯაანით კარდანახს, იმდენად რწმუნდებით, რომ ამ სოფლებში, ვარა იშვიათი გამოჩაქისისა, ყველა თავის დროზედ სხოაკ ვენახს, სწამლის, თონხის და სხვა. მოსავალიც სიღნაღის მაზრაში თითო დესტინაზედ შესამრევად მეტი მოღის ვიდრე თელავისაში. აღვნიშნავთ, რომ რაც ომი დაიწყო, ვარა იმისა რომ ახალი ვენახების გაშენება მთლად შეჩერდა. ძველი ვენახებიც ბევრი სრულიად განადგურდა, ამოვარდა. უმოთვრესი მიზეზი იმაში უნდა ვეძიოთ, რომ მთელი მშრომელი მარჯვენის მოზილიზაციის დროს ვენახებში მომუშავე ალარავენ დარჩა. სწორედ ამავე ხანაში კახელი ქალი, რომელიც აქნობამდე იშვიათ შემთხვევაში თუ გავიდოდა ვენახში სამუშაოთ, იძულებულია ხშირათ შაბი-



ამნის სასხურებელ აპარატ აკიდებული სწამ-
ლიდეს ვენახს. ხშირად ამ ხანებში ნახავდით
მთვარიან ღამეს, რომ კახელი გლეხები ვე-
ნახს სარავდნენ.

არის კიდევ ერთი გარემოებაც, რომელ-
მაც უსათუოდ დიდი მნიშვნელობა იქონია
კახეთის მევენახეობის ზრდის შეჩერებაში. ეს
გახლავთ ვაშწავებული პურის საკითხი. რო-
დესაც ჩრდილო-კავკასიის პურს გურჯანელი
მევენახე ფუთს 1 მანეთად ჯა კიდევ ნაკლებ-
ბადაც ყიდულობდა, ხოლო ლვინოს კი პური
თან შედარებით შესამჩნევად მეტ-ფასში იხავე
ჩრდილო კავკასიელს აყიდებდა—ჩვენი მხენელ-
მთესველი რუსეთიდან შემოსულ იაფ-პურს
მეტოქეობას ვერ უწევდა და იძულებული იყო
მიეტანებინა ვენახისთვის, ხოლო ხენა-თესვა-
ზე ხელი აეღო. სამაგიეროდ როდესაც ერთის
მხრით გარეშე ბაზრიდან პურის შემოტანა
სრულიად შესწავდა და მეორეს მხრით ლვინ-
ის გარეშე ბაზრიც დაიკეტა, მევენახე ჩავარდა
უშუალო მდგომარეობაში და მთლად მხენელ-
მთესველის ნება სურვილის განკარგულებაში.
დაიბრუნა პურისა და ლვინის ღირებულების
სწორ-წონაობა და ლვინის მოყვანა ნაკლებ
სასარგებლო შეიქმნა. ამის დასამტკიცებლად
საკმარისია ვსთქვათ, რომ ომამდე 1 ფუთი
ლვინი იცვლებოდა ვიდრე 3 ფუთ პურზედ,
ხოლო 1918 წელში 1 ფუთ ხორბალში აძლევ-
დნენ 1-ნახევარ ფუთ ლვინოს (საბალნეზედ
6—8 კიდე პური). ამის მეოხებით თითქმის
ყველა მევენახე შეეცადა პურის მოყვანასაც
და ამ მხრივ გასაოცარი ცვლილება მოხდა
კახეთში მეურნეობაში, რასაც ნათლად გვა-
ჩვენებს შემდეგი ციფრები: 1916 წელს კახე-
თის რკინის გზით შესულა კახეთში 1.071.300
ფუთი ხორბლეული. 1918 წელს კახეთის
რკინის გზას კახეთიდან გამოუტანია ნახე-
ვარ მილიონამდე ფუთი ხორბლეული. რა თქმა
უნდა ამ გარემოებამ შესამჩნევად შეამცირა
ვენახების რაოდენობა. ჩვენ აქ მხედველობაში
არ ღილებთ აგარაბული რეფორმის მეოხებით
ჩამორბთმეულ ვენახებს, რომელნიც კამეჩებმა
სახნავებათ აქციეს. (ქობულიშვილის კისისხე-
ში, ანდრონიკაშვილების გურჯაანში, ირაკლი
ჭავჭავაძის სანერგე ბუკუხანში და მრავალი

სხვა). მათი რიცხვიც ორ ასეულ დესეტინა-
ზედ ნაკლები არ უნდა იყეს.

ვენახების რაოდენობის შემცირება გა-
მოიწვია აგრეთვე როგორც საწამლებელ ია-
რალ მანქანათა და მასალათა უზოგრობამ
ისე ჭიგვის სიძვირემ და უზოგრობამ. დასა-
სრულ უნდა ვსთქვათ, რომ უსაშინელესა მტე-
რი ვენახებისა—ფილოქსერა შემოვიდა კახეთის
ვენახებს და ზოგიერთი რაიონებში ბევრი ვე-
ნახები მოსარ (მაგალ. ველისციხეში) ყოველი-
ვე ზემოხსენებული ჩვენის რწმენით იმის მა-
ჩვენებელია, რომ კახეთის მევენახეობა კრი-
ზისის განიცდის და დიდი საფრთხე მოელის თუ
მას მიზან შეწონილი მტკიცე და გაბე-
დული დამხმარე მფარველობა არ აღმოუჩინეთ-
მით უფრო საშიშია ჩვენი მდგომარეობა, რომ
ჩვენი მევენახეობა მეტათ წერილ მამულიანი
მევენახეობა და ამიტომ ყოველივე პატარა
მევენახე ყველა ჩამოთვლილ დაბრკოლებათა
წინაშე აღვივალა შესაძლებელია შეშინდეს და
მიანებოს თავი ისეთი ძვირფას და ღამაზ და-
რგს, როგორიც არის მევენახეობა. მიზან შე-
წონილად მიმანია აქ მოვიყვანო ცნობები,
რომელნიც ნათლად გვაჩვენებენ, თუ რა წერილ
მევენახეობასთან გვაქვს ჩვენ კახეთში საქმე-
რაიონი აღებულა თელავის და სიღნაღის
მაზრის შუაგული, სახელდობრ ველის-ციხის
ჯგუფი (ბუკუხანი, ახალშენი, ველისციხე, ჩუმ-
ლაყი). თუ მაგალითად გურჯაან-ქარდანახი თი-
თი მევენახეს მტერი მამული აქვს, ვიდრე ჩვენ
მიერ მოყვანილ ცნობაში სჩანს, სამაგიეროდ
თელავის მაზრაში უფრო წერილი მევენახე
არია (უმრავლესობა მყავს სახეში). ველის-
ციხის შემნ. გამსეს. ანხ. მიწის მზომელს და
აზომინა თავის წვერთა ვენახები და აღმოჩნ-
და, რომ 1691 წვერიდან ისეთ წვერთა რი-
ცი რომელთაც აქვთ 1—600 კვ. საგ. (1/2 დე-
სეტინა) უდრის 278, (16, 44%) 600—1200
(1/2 დესტ.), უდრის 553 (32,7%), 1200—1500
(1/2 დესტ.), 353 (20,=87%), 1800—1 დეს.
(—1 დეს.—189 (11,17%), 1—2 დეს. 235
(13,8%), 2—3—35 (3,13%), 3—5—16 (1%),
5 დან ზევით—14 (0,82 პროც.), ანუ ერთ
დესეტინაზედ ნაკლები 81 პროც., ხოლო მე-
ტი 19 პროც. იმავე ცნობებით წერილი ვე-

ნახები მეტ წილად დაუმუშავებელია, მოსავალიც შედარებით მსხვილ ვენახების პატრონთ უფრო მეტი მოსდით (—2 დესტეტინამდე).

(დასასრული შემდეგ).

გ. წინამძღვრიშვილი

ქრონიკა.

— საბჭოს შუამდგომლობის თანახმად მთავრობის ეკონომიური კომისია შეუდგა ლენინს აქციზის საკითხის განხილვას და პრინციპიალურადად სენო საჭიროთ ლენინს აქციზის შემცირება, ხოლო შემცირების რაოდენობის გამორკვევისათვის განსახილველად გადასცა სპეციალურ-კომისიას საბჭოს მხრივ წარმომადგენელთა წარიგზავნა საბჭოს თავ მჯდომარე ბ-ნი ი. ზ. ანდრონიკაშვილი. სპეციალური კომისიის პირველ კრება შესდგა 29 მაისს, რომელსაც დაესწრნენ ვაჭრობა მრეწველობის წარმომადგენელი ბ-ნი ალშობაია, ი. ზ. ანდრონიკაშვილი, კ. მ. ბერეკაშვილი და ფინანსთა სამინისტროს წარმომადგენელი ბ. კოხლოვსკი.

— საბჭოს შუამდგომლობის თანახმად, მთავრობის ეკონომიურმა კომისიამ საჭიროთ სენო გაგზავნილ იქმნას საზღვარ გარეთ სპეციალისტთა კომისია რათა გაიცნონ და შეისწავლონ ყოველივე ის, რაც გაკეთდა ახალი შეღვიწხობა—მევენახეობაში ამ უკანასკნელ ხუთი წლის განმავლობაში, რადგანაც ომიანობის აქეთ არავითარი ცნობები ამის შესახებ ვეროპიდგან არ მოსულა.

— საბჭომ აღძრა თხოვნა მიწათ მოქმედების სამინისტროს წინაშე, რათა ქიმიკოს ავალიშვილს საშუალება მიეცეს სამინისტროს ლაბორატორიაში მოაწიოს გამორკვევანი ნა-ცართან ბრძოლისათვის ახალი და უფრო იოლი საშუალებების შესასწავლათ.

— ყურძნის ქიასთან ბრძოლის მოსაწყობ-

ბათ კახეთში განწესებულია ენტომოლოგი ვინოკუროვი; ამ მიზნისათვის მიწათ-მოქმ. სამინისტრომ გაგზავნა კარდანახში 31 ფუთი პარიზის მწვანე. მიეცემათ მევენახეთ დესტეტინა-ზედ 3 გირვანქა, 150 მანეთით თითო გირვანქა

— მიწათ-მოქმედების სამინისტრომ მიიღო: ა. საფრანგეთიდან 400 ვერმორელის აპარატი და 400 გოგირდის საბერველი, რომელიც გაანაწილა ერობათა და კოოპერატივებთა შორის; ვერმ. აპარატები 3500 მან. და საბერველები 340 მანეთით ცალი. ბ. 3000 ფუთი გოგირდი, „სუბლიმე“ იტალიიდან; სახელმწიფო მამულების საჭიროებისათვისაილო 1500 ფ., ხოლო დანარჩენი კოოპერატიულ ბანკს გადასცა სოფლებში დასარიგებლათ; აქედგან დაახლოვებით 1000 ფუთი კახეთს გაეგზავნა და 500 ფუთი დასავლეთ საქართველოს.

— მიწათ-მოქმედ. სამინისტრო იძენს ქიათურის შავი ქვის სააქციონერო საზოგადოებისაგან 50,000 ფ. შაბიამნის ფხენილს, რომ მომავალ წლისათვის უზრუნველ-ჰყოს მევენახენი. მოსალოდნელია, რომ ეს შაბიამანი დაჯდება ადგილობრივ მიტანიით არა უძვირეს 700 მანეთისა. ეს შაბიამანი ლონდონიდან უკვე მოსულა და მეტათ მალალი ხარისხისაა.

— 29 მაისს საშინელმა ნიაღვარმა დააზარალა სოფლები: კარდანახი, ბაქურციხე, ევეჯინი და სხვა. მოდიდებულმა ხევებმა წალეკეს ნათესები და ვენახები.

— 26 მაისს, დიდმა სეტყვამ მეტათ დააზარალა ნათარეული, სანიორე, ხორხელი, ართანა. წინანდალი და მიდამო ადგილები; როგორც ვენახები, ისე ნათესები მთლათ განადგურებულა. ზარალის აღსანუსხავათ და ადგილობრივ ვაჭირებთათა გამოსაკვლევათ გაწვეული არიან სასოფლო მეურნეობის ინსპექტორნი აგრონომები ი. ნ. ლომაური და ა. ა. ეგოროვი.



საქართველოს მწერთა-მეცნიერთა კრიტიკოსთა კავშირი

— მიწათ მოქმედ. სამინისტრომ გადასწევრთა პლაკატების გამოცემა ხეხილის და ვაზის ავადმყოფობის ვაცნობის პოპულიარიზაციისათვის; გამოცემა დაევალა ენტომოლოგიურ ბიუროს.

— მთავრობის დადგენილებათ: ა) საქარის სანერგე გარდაქციულია მელენე-მევენახეთა სადგურად და დამუკიცებულია შტატები, რომლის მიხედვით მოწვეულ იქნებიან: 1. გამგე, 2. თანაშემწე გამგისა, 3. ქიმიკოსი მელენე და 4. მსწავლელი მევენახე; ბ) ჩუმაყის სანერგე ერობისაგან გადადის მიწათ მოქმედების სამინისტროს განკარგულებაში, რომელსაც მხედველობაში აქვს მოაწყოს ფართო სანერგე.

— საბჭომ მოიწვია საქმის მწარმოებლათ თავის კანცელარიაში მარ. ნანუკაშვილისა.

— ვ. რტილაძის ოჯახისათვის დახმარების აღმოსაჩენად. საბჭოს ინიციატივით მოწვეულ იქმნა კომისია იმ დაწესებულებათაგან, სადაც თანამშრომლობდა განსვენებული; კომისიაში შედიან საბჭოს თავმჯდომარე ი. ზ. ანდრონიკაშვილი, ქართული სამეურნეო საზოგ. თავმჯდომარე ს. ნ. ყაზახაშვილი, სახალხო უნივერსიტეტის ლექტორთა კოლეჯის თავმჯდომარე ს. ჟორჯოლიანი, კავკასიის სამეურნეო საზოგადოების წარმომადგენელი ე. ს. იოსელიანი, ყოფილ მელენე-მევენახობის კომიტეტის თავმჯდომარე შ. ეგოროვი და საბჭოს მდივანი ს. მ. ჩოლაყაშვილი.

საქართველოს მევენახე-მეღვინეთა კრიტიკოსის საბჭოს წევრმა მოქალაქე გიორგი წინამძღვარმა კრებას გააცნო ხსენებულ საბჭოს მნიშვნელობა ჩვენი მევენახეობა-მეღვინეობისათვის, რომელიც ამ ეხმად სხვადასხვა გარემოებათა გამო დიდ კრიზისის განიცდის, და განუშარტა, რომ, საბჭოს უფრო ნაყოფიერ მუშაობისთვის და მისი უფრო მეტი გავლენის მოსაპოვებლად მთავრობის წრეებში, საქაროა მევენახეთა პროფესიონალური კავშირების დაარსება სოფლად.

კრებამ გამოსთქვა სურვილი შეკავშირების შესახებ და ამ მიზნით აირჩია შეიდი პირისაგან შემდგარი ველისციხის რაიონის მეღვინე-მევენახეთა საბჭო, რომელსაც მიჰმართავს ყოველი მევენახე ამა თუ იმ საჭირბოროტო საკითხის შესახებ და ხსენებული საბჭო თავის მხრით იქონიებს პირდაპირ დამოკიდებულებას საქართველოს მეღვინე-მევენახეთა ყრილობის საბჭოსთან. ველისციხის რაიონის მევენახე-მეღვინეთა საბჭოში არჩეულ იქმნენ: ველისციხის თემის მხრით—ლევან შალაშვილი, შემნ.-გამსესხებელ ახანაგაბის მხრით—ნიკოლოზ გიგიყრელი, ახაშნის თემის მხრით-მიხეილ ნიკოლოზის ძე წინამძღვარი, მევენახეთა მხრით—ფირო მამისაშვილი, წყალობ ავაქოვი, იოსებ კარდანახლიშვილი და შაქრო ოსოშვილი.

შოანგ. სარქისოვი.



წერილი პელისჩინიდან

1920 წლის აპრილის 16-ს შესდგა ველისციხის რაიონის მევენახე-მეღვინეთა კრება.



კოოპერატიული საზოგადოება

„კახეთი“

საზოგადოებამ „კახეთი“ აღსებობს 1895 წლიდან და ამ ქმედ 246 მეწახე ითვლება წევრად. საზოგადოებამ „კახეთი“-ს წევრობა შეუძლიან ეყვლა კახელ მეწახეს და აგრეთვე ეყვლა მას, ვინც-კი ჩაბარებს საზოგადოებას ნამდვილ კახურ ღვინოს ქოჯელ წლივ.

მთავარი ჟონტორა საზოგადოებამ „კახეთი“-ს მთავრებულთა თბილისში, დამფუძნებელ კრების ქუჩა № 5, ტელეფონი № 13—23, ხოლო სარდაფი-კი გოგოლის ქუჩაზე № 63, საკუთარ შენობაში. ჯელეკრაფით მისამართი: თბილისი კახეთი.

საზოგადოებამ „კახეთი“-ს მთავარი საწუბოები კახეთში ორ ალგას არის მოწუბილი: თელავში „კახეთი“-ს ბიურო ალექსანდრე მეუძვილთან და კარდანახში, „კახეთი“-ს ბიურო ნიკოლოზ დარბაძვილთან.

